



O'ZBEKISTON OVOZI

2016-yil, 12-yanvar. Seshanba • 5 (32.064)

Ijtimoiy-siyosiy gazeta

1918-yil 21-iyundan chiqq boshlagan

www.uzbekistonovozi.uz

Сўз — ЎзХДП
ФРАКЦИЯСИ АЪЗОЛАРИГА

Соғлом она ва бола йилини барчамиз хурсандчилик билан қарши олдик. Бу халқимизнинг янги йилдан кутилаётган яхшиликларга ишончи, шу билан бирга, аввалги йилларда амалга оширилган эзгу ишлардан розилиги ифодаси бўлди.

СОҒЛОМ АВЛОДНИ ТАРБИЯЛАШ

**буюк давлат
пойдеворини,
фаровон ҳаёт
асосини қуриш
деганидир**

Дарҳақиқат, бугун кенг қўламли, умуммиллий ҳаракатга айланган бу ислохотнинг тамал тоши мустақиллигимизнинг дастлабки кунларидаёқ қўйилган. Ўша пайтдаги турли иқтисодий-ижтимоий қийинчиликларга қарамай, давлатимиз раҳбари миллат генофондини соғломлаштириш, баркамол авлодни тарбиялаш масаласига биринчи галдаги вазифа сифатида эътибор қаратди.

Оналик ва болаликни муҳофаза қилиш, ижтимоий ҳимояни кучайтириш, таълим тизimini такомиллаштириш, болалар спортини ривожлантириш каби соҳалардаги изчил ислохотлар бир-бирини тўлдириб, узвий тизимга айланди. Бугун замонавий тиббий марказлар, таълим муассасалари, спорт иншоотлари ҳар жиҳатдан соғлом ва баркамол авлодни тарбиялашга хизмат қилмоқда.

▶ Давоми 2-бетда.

14 ЯНВАРЬ — ВАТАН ҲИМОЯЧИЛАРИ КУНИ

ЎҒЛИМ БИЛАН ФАҲРЛАНАМАН

Бу — фарзанди ҳарбий бўлган ҳар бир ота-онанинг дил сўзи



Жиззах

Янгиликлар,
Бунёдкорликлар,
Хабарлар...

Аскар оналарига эҳтиром

Жиззах шаҳрида Ўзбекистон Республикаси Қуролли Кучлари ташкил этилганлигининг 24 йиллиги ҳамда Ватан ҳимоячилари кунини муносабати билан аънавий «Аскар оналарини шарафлаймиз» деб номланган маданий-маърифий тадбир ўтказилди. Бу ҳақда Жиззах вилоят ҳокимлиги расмий сайти хабар бермоқда.

Тадбирга мамлакатимиз Қуролли Кучлари сафида хизмат қилаётган аскарларнинг оналари, меҳнат фахрийлари, «Маҳалла» хайрия жамғармаси ва бошқа жамоат ташкилотларининг вакиллари таклиф этилди.

Вилоят ҳокимлиги, хотин-қизлар кўмитаси ҳамда Марказий ҳарбий округ қўшинлари кўмондонлиги томонидан ташкил этилган тадбир аввалида мамлакатимизнинг турли ҳудудларида ўз йигитлик бурчларини ўтаётган бир гуруҳ аскарларнинг оналарига йўллаган видеотабриги намоиш этилди.

Ҳоким бўлажак журналистлар билан учрашди

Бухоро шаҳрида Ўзбекистон Миллий университети ва Жаҳон тиллари университетининг журналистика факультетларида ўқийётган бухоролик талабалар вилоят ҳокими Мухиддин Эсанов билан учрашди. Бу ҳақда «Бухоронома» газетаси хабар бермоқда.

— Бугунги кунда вилоятимиздаги 32 матбуот нашри, 42 матбаа корхонаси ва 4 телеканал ижодкорлари шаҳар ва туманларимизда олиб борилаётган улкан бунёдкорлик ишлари, мислсиз юксалишлар жараёнини кенг ёритишда ҳамда илгор тажрибаларни тарғиб этишда фаол қатнашмоқда, — деди вилоят раҳбари. — Аммо бугунги кунда вилоятда журналист кадрларга эҳтиёж жуда катта.

Шунингдек, вилоят ҳокими Бухорога ишга келадиган ёш журналистларга муносиб меҳнат шароитларини яратиш, уларни моддий жиҳатдан қўллаб-қувватлаш юзасидан олиб борилаётган ишлар ҳамда оммавий ахборот воситалари ходимлари олдида турган долзарб вазифалар хусусида атрофлича фикр юритди.

Бухоро

Сержантлар мактаби

Қарши шаҳридаги Жанубий-ғарбий махсус ҳарбий округ сержантлар тайёрлаш мактабига бўлғуси кичик командирларнинг юксак жанговар ва ахлоқий-руҳий хусусиятларга эга бўлиши, бўлинмаларни моҳирона бошқариши, ҳар қандай мураккаб шароитда тезкор ва тўғри қарор қабул қила олиш қобилиятини шакллантириш, интеллектуал салоҳиятини юксалтиришга алоҳида эътибор қаратилмоқда. Бу ҳақда Қашқадарё вилоят ҳокимлиги расмий сайтида маълумот берилган.

Мактаб жамоаси 2015 йилда Мудофаа вазирлиги тизимига ўтказилган «Энг илгор сержантлар тайёрлаш мактаби» кўрик-танлови ғолиби бўлди. Улар бу натижани тўртинчи бор қайд этмоқда. Оммавий спорт ишлари кўриғида ҳам «Энг яхши мактаб» номинациясига сазовор бўлган жамоа Ватан ҳимоячилари кунини муносабати билан ўтказилаётган маънавий-маърифий тадбирларда фаол иштирок этмоқда.

Қашқадарё

БИЗ ЎЗБЕКИСТОН ХДП САФИДАМИЗ!

«Келажақда албатта депутат бўламан»

Бугун мамлакатимизда фаолият кўрсатаётган ҳар бир сиёсий партия ўз тарафдорлари кўпайиши, жамиятдаги мавқеи мустаҳкамлашиши учун ҳаракат қилмоқда. Катта ҳаётга кириб келаётган ёшларни қайси партияга аъзо бўлсам экан, деган савол ўйлантириши табиий, албатта. Яқинда партиямиз сафига қўшилган айрим йигит-қизларнинг фикри билан қизиқдик.

— Ўтган йили туманимизда битирувчиларни ишга жойлаштириш масаласига бағишланган кўплаб тадбирлар ўтказилди, — дейди **Фаллаорол Иқтисодиёт коллежи ўқувчиси Лазиза Пўлатова**. — Унда ЎзХДП туман кенгаши фаоллари, депутатлар иштирок этиб, ёшлар бандлиги ҳақида фикр-мулоҳазалар

билдиришди, таклифлар айтишди. Касб-ҳунар коллежини битириш арафасида турган ҳар бир йигит-қиз ишга жойлашиш ҳақида ўйлайди. Шунинг учун ЎзХДПнинг бу борадаги ҳаётий таклифлари биз каби ёшларга кўпроқ фойдали бўлади, ўзига тортади, деб ўйлайман.



▶ Давоми 2-бетда.

БУ ҲАҚДА СИЗНИНГ ФИКРИНГИЗ ҚАНДАЙ!

Соғлом она ва бола йилида аҳоли, хусусан, хотин-қизлар саломатлигини мустаҳкамлаш борасида зиммамизда янада масъулиятли вази-фалар турибди. Партиянинг «Фаол аёллар» қаноти бу масалада нималарга эътибор қара-тиши керак?

Оиланинг, жамиятнинг бахти

Ойша МАТНИЁЗОВА,
ЎзХДП «Фаол аёллар»
қаноти
Элликқалъа туман
бўлими етакчиси:

— Халқимиз азалдан она-ларни, аёлларни бошига кўтаради, эъзозлайди. Кон-қонимизга сингиб кетган бу фазилат ҳар биримизни хотин-қизларга чуқур ҳурмат ва эҳтиром кўрсатиш, оила-да ва жамиятда уларнинг мавқеини мустаҳкамлаш, са-ломатлигини муҳофаза қи-лиш ишларининг кенг қўла-мда олиб борилишига кўма-лашишга ундайди.

Ўтган йили хотин-қизлар-нинг репродуктив саломат-лигини мустаҳкамлаш, соғ-лом турмуш тарзини шакл-лантириш, қизларни ҳаётга тайёрлаш, оналик ва бола-ликни муҳофаза қилиш ма-салаларига бағишланган 10 дан ортик учрашув ҳамда давра сўхбати ўтказдик. Ҳар бир тадбирда иштирокчи-ларнинг фикр-мулоҳазалари, таклифларини ўргандик. На-тижада олис ҳудудларда ис-тикомат қиладиган хотин-қизларни ташвишга сола-ётган айрим масалалар

депутатларимиз, ҳамкор ташкилотлар кўмағида ҳал қилинди.

Менимча, оилаларни мустаҳкамлаш, соғлом тур-муш тарзини шакллантириш, оналик ва болаликни муҳо-фаза қилиш борасидаги та-шаббусларни янада кучайти-ришимиз керак. Бу борада партиямиз сафидаги депу-тат аёллар ва «Фаол аёл-лар» қаноти етакчилари куч ва имкониятларини бирлаш-тириш, ҳар бир оиллага ки-риб бориш, эрта никоҳнинг салбий оқибатлари, соғлом турмуш тарзини шаклланти-риш, қариндош-уруғлар ўр-тасидаги никоҳнинг олдини олиш борасида тарғибот-ташвиқот ишларини изчил йўлга қўйишимиз зарур.

Тадбирларни шунчаки маърузалар асосида эмас, ушбу масалаларга бағиш-ланган видеороликлар, иб-ратли оилаларнинг ҳаётий тажрибалари, кўпни кўрган, ёши улғў отахон-онахонлар-нинг фарзанд тарбиясидаги ўғитлари асосида ўтказиш муҳим аҳамият касб этади.

Гулрух ОДАШБОЕВА
ёзиб олди.

Умумий қиймати

**5 МИЛЛИАРД
500 МИЛЛИОН**

доллар бўлган 164 йирик ишлаб чиқариш объектида қурилиш ишларини якунига етказиш ва уларни фойдаланишга топшириш кўзда тутилмоқда.

**2016
ЙИЛДА**



ЎзХДП: ФАКТ ВА
РАҚАМЛАР

2015 йилда ПАРТИЯМИЗНИНГ «МАҲАЛЛА — АҲОЛИНИ МАНЗИЛЛИ ИЖТИМОЙ ҚўЛЛАБ-ҚУВВАТЛАШ МАРКАЗИ» ЛОЙИХАСИ ДОИРАСИДА РЕСПУБЛИКАМИЗНИНГ БАРЧА ҲУДУДЛАРИДА 535 ТАДБИР ЎТКАЗИЛИБ, УЛАРДА 34606 НАФАР ИШТИРОКЧИ ҚАМРАБ ОЛИНДИ.

ХАЛҚ ДЕПУТАТЛАРИ МАҲАЛЛИЙ КЕНГАШЛАРДАГИ ЎзХДП ГУРУҲЛАРИ ТАШАББУСИ БИЛАН АМАЛИЙ ҲАРАКАТ ДАСТУРИ БЎЙИЧА ЎТГАН ЙИЛИ 186 МАСАЛА ПАРТИЯ ГУРУҲЛАРИДА, 119 МАСАЛА ДОИМИЙ КОМИССИЯ ЙИГИЛИШЛАРИДА ВА 75 МАСАЛА СЕССИЯЛАРДА МУҲОКАМА ЭТИЛИБ, ТЕГИШЛИ ҚАРОРЛАР ҚАБУЛ ҚИЛИНДИ.

ЎзХДП НАМАНГАН ВИЛОЯТ ТАШКИЛОТИДА 13 ЖАМОАТЧИЛИК ҚАБУЛХОНАСИ ФАОЛИЯТ ОЛИБ БОРМОҚДА. ЎТГАН ЙИЛИ ЖАМОАТЧИЛИК ҚАБУЛХОНАЛАРИГА АҲОЛИ ТОМОНИДАН 600 ГА Яқин МУРОЖААТ БЎЛГАН. УЛАРНИНГ 81 ҲАҚИДИ ИЖОБИЙ ЕЧИМ ТОПДИ. ҚОЛГАНЛАРИГА ҲУҚУҚИЙ МАСЛАҲАТЛАР БЕРИЛДИ.

